

CONVENIO DE COLABORACIÓN ENTRE O SERVIZO GALEGO DE SAÚDE E A FUNDACIÓN BIOMÉDICA GALICIA SUR (FBGS) PARA A XESTIÓN DA FORMALIZACIÓN DO CONTRATO LABORAL DUNHA PROFESIONAL FACULTATIVA INVESTIGADORA, CONCEDIDO AO INSTITUTO DE INVESTIGACIÓN SANITARIA GALICIA SUR (IISGS), A TRAVÉS DA FBGS AO ABEIRO DA CONVOCATORIA CLÍNICO JUNIOR 2023 DE AXUDAS Á INVESTIGACIÓN DA FUNDACIÓN CIENTÍFICA ASOCIACIÓN ESPAÑOLA CONTRA EL CÁNCER (AECC) PARA A INCORPORACIÓN DUN FACULTATIVO CON EXPERIENCIA INVESTIGADORA DENTRO DUN SERVIZO DE ONCOLOXÍA

MEMORIA XUSTIFICATIVA

A xerente do Servizo Galego de Saúde, **DECLARA:**

Que o Servizo Galego de Saúde formalizou o 30.11.2023 o convenio arriba referido coa Fundación Biomédica Galicia Sur (FBGS).

Este convenio terá efectos dende a data da súa sinatura, e a súa vixencia estenderase durante os tres anos que dura o prazo de execución da actividade a partir da data de incorporación da adxudicataria ao centro. En todo caso, o contrato permanecerá vixente ata que se cumpran as obrigas previstas no mesmo.

O convenio poderá prorrogarse por decisión exclusiva da Fundación Científica AECC, coa conformidade do IISGS e o centro hospitalario, por un período de 1 ano adicional cunha dotación económica de trinta e cinco mil euros (35.000, 00 €) brutos para ese período adicional.

Que o instrumento convencional ten por obxecto a colaboración entre as partes para a formalización dun contrato eventual de incorporación dunha facultativa investigadora para a prestación de servizos no Servizo de Oncoloxía do Complexo Hospitalario Universitario de Ourense, concedido ao IISGS a través da FBGS ao abeiro da convocatoria Clínico Junior en el Territorio AECC 2023 de concesión de axudas financeiras para Facultativos Investigadores para o desenvolvemento dun proxecto de investigación en cancro en España, coa finalidade de promover a vocación investigadora entre os profesionais clínicos e contribuír así ao fomento da investigación na contorna clínica.

Que existe converxencia de intereses entre as entidades asinantes en orden á consecución do obxecto referido.

Que o convenio fundaméntase no seguinte:

O Decreto 137/2019, do 10 de outubro, polo que se establece a estrutura orgánica do Servizo Galego de Saúde, configúrao como un organismo autónomo de natureza administrativa para o desenvolvemento das competencias que no ámbito sanitario lle correspondan á Comunidade Autónoma de Galicia. A Consellería de Sanidade e o Servizo Galego de Saúde incorporan como un

dos elementos fundamentais da súa actividade a investigación e innovación biosanitaria e establecen como unha das súas liñas estratéxicas a promoción da investigación.

A ACIS, creada polo Decreto 112/2015, adscrita á Consellería de Sanidade a través do Servizo Galego de Saúde e encadrada nas entidades públicas instrumentais reguladas no Título III da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, ten entre os seus obxectivos estratéxicos a creación e desenvolvemento de mecanismos e instrumentos que faciliten a investigación mediante a consolidación de estruturas horizontais de apoio aos axentes involucrados na I+D+i sanitaria e a promoción da cooperación entre os sectores público e privado, de xeito que as actividades científicas xeren resultados de valor engadido que poidan ser transferidos ao sector produtivo e, por tanto, á sociedade no seu conxunto.

A Fundación Biomédica Galicia Sur (en adiante FBGS) é unha fundación de interese galego de conformidade coa Lei 12/2006, do 1 de decembro, de fundacións de interese galego con personalidade xurídica propia e sen ánimo de lucro, modificada pola Lei 16/2010, do 17 de decembro, de organización e funcionamento da Administración xeral e do sector público autonómico; e réxese ademais polo Decreto 14/2009, do 21 de xaneiro, polo que se aproba o Regulamento de fundacións de interese galego e polo Decreto 15/2009, de 21 de xaneiro polo que se aproba o regulamento do Rexistro de fundacións de interese galego; e que ten por obxecto impulsar a investigación, a docencia, o desenvolvemento científico -tecnolóxico e a innovación no ámbito sanitario e en Ciencias da Saúde, así como a realización de outras actividades que poidan contribuír á consecución do obxecto fundacional, caracterizado polo interese xeral galego. Con ese propósito, a FBGS serve de apoio, asesoramento e xestión aos profesionais e investigadores, nos centros do Sistema Público de Saúde de Galicia e contribúe eficazmente á consecución dos obxectivos fundacionais, recabando o apoio das entidades públicas e privadas para os seus fins, realizando labores de difusión e divulgación da actividade investigadora dos centros de investigación de Galicia, aumentando progresivamente de este modo a súa capacidade para competir e a calidade da súa produción científica.

O IISGS é un Instituto de Investigación Sanitaria , que se conforma actualmente mediante a asociación das Áreas sanitarias de Vigo, Pontevedra-O Salnes e Ourense-Verín-O Barco de Valdeorras , que engloba os centros de atención hospitalaria, atención especializada e atención primaria das áreas sanitarias de Vigo, Pontevedra-O Salnes e Ourense-Verín-O Barco de Valdeorras, xunto coa Universidade de Vigo (UVIGO) e a Fundación Biomédica Galicia Sur (FBGS) como órgano xestor.

O IISGS ten entre as súa principais funcións:

1. Fomentar a colaboración entre investigadores do ámbito básico, clínico, de saúde pública e de servizos de saúde.
2. Promover a investigación traslacional e a innovación que teñan aplicacións e repercusións clínicas.



3. Fomentar a colaboración entre os centros de investigación das entidades que integran o IISGS e outros pertencentes a outras institucións de investigación no ámbito autonómico. O IISGS carece de personalidade xurídica propia, polo que os actos xurídicos necesarios para a consecución dos seus fins son adoitados pola FBGS, como órgano de xestión do Instituto de acordo co Real Decreto 279/2016, de 24 de xuño, sobre acreditación de Institutos de investigación biomédica ou sanitaria.

A Fundación Científica Asociación Española contra el Cáncer (AECC) aprobou as bases dunha convocatoria de axudas financeiras para Facultativos Investigadores para o desenvolvemento dun proxecto de investigación en cancro en España, coa finalidade de promover a vocación investigadora entre os profesionais clínicos e contribuír así ao fomento da investigación na contorna clínica.

O 13 de xuño de 2023 comunicouse por parte do Padroado da Fundación Científica AECC, a concesión dunha axuda a unha facultativa investigadora para a súa incorporación no Complexo Hospitalario Universitario de Ourense.

Que en virtude da citada convocatoria, establecíase que *"Esta axuda destinarase integramente ao financiamento dun contrato laboral entre o investigador e o centro hospitalario de acordo con a normativa vixente. Neste sentido, o centro de investigación e o centro hospitalario deberán dispoñer dun convenio asinado polo cal o centro hospitalario delega no centro de investigación a xestión da investigación."*

O convenio resultaba polo exposto necesario para articular a colaboración, e garantir o cumprimento das obrigas que implica, entre o Servizo Galego de Saúde e a Fundación Biomédica Galicia Sur para a xestión da formalización do contrato eventual de incorporación dunha Facultativa Investigador para a prestación de servizos no Servizo de Oncoloxía do Complexo Hospitalario Universitario de Ourense (CHOU), concedido ao IISGS a través da FBGS ao abeiro da convocatoria de concesión de axudas de Facultativos Investigadores da Fundación Científica Asociación Española contra el Cáncer 2023.

Os intereses converxentes das partes asinantes exclúen o ánimo de lucro, e non podían satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, do 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estimouse xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago,

